



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput VI. a Deusdedit.

[urn:nbn:de:hbz:466:1-74544](#)

geret ; quid ad simoniæ detestationem , quam intendebat probare Lucius in præsenti? Credo ergo Pontificem sensisse de Simone Mago , cui dixit D. Petrus , certum non est rectum coram Deo. At tuum Apost. cap. 6. Et cum postea ipse de miraculis faciendis cum B. Petro disceptaret , afferuit se in cœlum consenserunt : sed cum sublatus à dæmonibus volaret sublimis , cuncto spectante populo , Div. Petri precibus in terram proflatus , cruribus perfractis jacuit , & decessit , ut referunt D. Clemens lib. 6. const. cap. 9. Arnobius aduersus Genes lib. 2. Cyrus Hierosol. Catheches 6. Epiphan. heresi 21. & alii SS. Patres , ex quibus idem narrat Baronius anno 68. de qua repentina morte sensit , nifallor , Lucius in præsenti.

Intra alias poenæ , quibus notoriæ simoniaci afficiuntur , præcipua est depositio à gradu clericali , cap. qui studet , cap. Presbyter , cap. Sanctorum , cap. erga simoniacos , 1. quæst. 1. Concil. Tolet. 6. can. 4. cap. cum super , de confessis , lib. 1. Capitol. cap. 97. quæ poenam etiam in ordinatores lanxerunt Apostoli in can. 20. alijs 21. Ambros. & Gelasius in cap. baptizandis , cap. reperiuntur , 1. q. 1. PP. Concilii Chalcedon. in cap. si quis Episcopus 1. quæst. 1. in 6. Synodo can. 22. in 7. can. 50. Alexander II. in Synodo Romana can. 3. Gregorius VII. in Synodo Romana can. 6. quæ decreta juxta hodiernam præmix debere intelligi de depositione à judice infligenda , non de ea , quæ ipso facto incurritur , docuerunt Hallier. de sacra elec. scđt. 7. art. 3. §. 1. Gibalinus de simonia , q. 29.

C A P U T VI.

a Deus dedit.

Tanta est labes hujus criminis , quod etiam servi ^b adversus Dominos , & quilibet criminosi admittuntur ad accusationem. Item omnis peccator ^c Missam cantare potest præter simoniacum , quem etiam quilibet ut ab ordine malè accepto removeatur , accusare potest , etiam ^d meretrrix.

N O T A E.

1. a **D**eus dedit.] Ita etiam legitur in prima compilatione , sub hoc titul. cap. 15. Sed textum hunc transcriptum esse ex Decreto Cardinalis Deus dedit , jam notavi in cap. 3. hoc titul. Ex quo autem Concilio , aut sancti Patris decreto eum compilasset Cardinalis , non constat.

b **Servi adversus Dominos.**] Quia in hoc deicto proceditur ad instar criminis læsæ Majestatis , ut probavi suprà in cap. 3.

c **Missam cantare.**] Quidam Præceptor nostræ Academiæ exsistimabat , in his verbis non agi de Presbytero celebrante Missa sacrificium , sed de Psalmita psallente in ipso sacrificio , juxta modum receptum jam à tempore , in quo pax data fuit Ecclesiæ , cum in usu esse coepit schola cantorum , qui in eo gradu erant cooptati , ut psallerent in Ecclesia. Micrologus in obs. eccl. cap. 1. ibi: Interim cantatur antiphona ad introitum , quæ ab introitu sacerdotis ad altare hoc nomen meruit habere. Quem morem cantandi Missam illustrarunt Landmeter. lib. 2. de veteri monach. cap. 17. Vicecomes volum. 1. de ritibus Missæ , lib. 5. cap. 7. & nos in cap. 1. de celebrat. Missar. Si accipiatur textus hic in hac secunda parte de Presbytero celebrante , difficilis valde est ; siquidem nullus peccator in peccato persistens potest Missam celebrare , cùm

interim dum non agit pœnitentiam , sit suspensus quoad se , cap. sacerdotes , cap. Sacramenta , cap. necesse , 1. q. 1. & publici concubinarii quoad alios , cap. nullus , 32. dist. Sed adhuc potest , & debet accepi textus hic de sacerdote Missam celebrante , ita ut sensus sit , quod licet alii peccatores non præcisus ab Ecclesia , post peractam pœnitentiam possint Missam celebrare ; & si in majoribus gradibus non sint , ad eos ascendere , ut probavit in cap. final. de temporibus ordin. tamen simoniaci , quia etiam post pœnitentiam non restituantur ad gradum , à quo depositi fuerunt , non possunt ut cæteri peccatores pœnitentes Missam cantare , ut contingit in homicida ob irregularitatem contritam. Unde notar Gratianus post cap. erga , cap. canem , 1. quæst. 1. ex epistola Innocentii ad Episcopum Macedon. quod etsi olim cum revertentibus ab hæresi dispensatum fuerit , ut in suscepis ordinibus ministrarent , vix tamen dispensatum legitur cum his , qui vel scienter à simoniaci ordinati fuerint , vel si ignoranter , eis postea liberè , ac libenter adhæserint : & ita rectè in præsenti docetur , ut atrocitas , & gravitas simoniæ cognoscatur , eam tantam esse , ut omnis peccator ab Ecclesia non præcitus , ut homicidia , post pœnitentiam Missam celebrare possit , præter simoniæ transire.

d **Meretrrix.**] Juxta tradita in cap. 3. hoc titul.

C A P U T VII.

Alexander III. in Concilio _a Turon.

Quia non satis utiliter avaritia in populo redarguitur , si ab iis , qui in Clero constituti videntur , & præcipue contemptu seculo , religiosorum nomina profitentur , regula modis omnibus non cavetur : Prohibemus , ne ab eis , qui ad religionem transire